

Na osnovu člana 20. stav 3. Zakona o utvrđivanju i načinu izmirenja unutrašnjih obaveza Federacije Bosne i Hercegovine ("Službene novine Federacije BiH", br. 66/04, 49/05, 35/06, 31/08 i 32/09), Vlada Federacije Bosne i Hercegovine, na 108. sjednici održanoj 8. jula 2009. godine, donosi

Službene Novine FBiH 47/09

ODLUKU

O EMISIJI OBVEZNICA FEDERACIJE BOSNE I HERCEGOVINE PO OSNOVU RATNIH POTRAŽIVANJA FIZIČKIH I PRAVNIH LICA

I.

- (1) Radi izmirenja dijela unutrašnjeg duga Federacije Bosne i Hercegovine (u daljnjem tekstu: Federacija) po osnovu ratnih potraživanja fizičkih i pravnih lica utvrđenih Zakonom o utvrđivanju i načinu izmirenja unutrašnjih obaveza Federacije Bosne i Hercegovine ("Službene novine Federacije BiH", br. 66/04, 49/05, 35/06, 31/08 i 32/09) (u daljnjem tekstu: Zakon), Federacija će emitirati obveznice u skladu sa ovom Odlukom.
- (2) Obveznice iz stava 1. ove tačke emitovaće se u iznosu do 500.000.000 KM, koji čini iznos utvrđen Zakonom.
- (3) Emisija obveznica iz stava 1. ove Odluke izvršit će se u okviru jedne emisije sa više tranši.
- (4) Iznos emisije obveznica prve tranše jeste 190.665.648 KM.
- (5) Iznos, datum i uslovi emisije ostalih tranši odredit će se posebnom odlukom Vlade Federacije Bosne i Hercegovine (u daljnjem tekstu: Vlada Federacije).

II.

Osnovni elementi obveznica iz tačke 1. ove Odluke su:

- 1) Emitent: Federacija Bosne i Hercegovine
- 2) Nominalna vrijednost emisije: do 500.000.000 KM
- 3) Nominalna vrijednost emisije prve tranše: 190.665.648 KM
- 4) Naziv emisije: obaveze po osnovu ratnih potraživanja
- 5) Vrsta obveznica: dugoročna obveznica sa kamatnim prinosom (kuponom) neograničeno prenosiva u dematerijalizovanom obliku na ime
- 6) Nominalna vrijednost jedne obveznice: 1 konvertibilna marka
- 7) Redni broj tranše: prva tranša
- 8) Prva tranša će biti emitovana u 5 (pet) serija sa oznakama: Serija A, Serija B, Serija C, Serija D i Serija E.
- 9) Broj emitovanih obveznica prve tranše: 190.665.648
- 10) Datum emisije prve tranše: 30.06.2009. godine
- 11) Rok dospjeća prve tranše: 14 godina
- 12) Grace period za isplatu glavnice: 9 godina, uračunat u rok otplate
- 13) Kamatna stopa: fiksna, 2,5% godišnje, računa se na ostatak glavnice uz primjenu linearnog modela obračuna kamate, na bazi stvarnog broja dana.

III.

- (1) Obveznice nose kamatu na glavicu po stopi od 2,5% godišnje. Kamatna stopa računa se kao godišnja kamatna stopa obveznica na glavicu, te kamatna stopa kupona obveznica iznosi 2,5%, što po 1 KM obveznica iznosi 0,025 KM.
- (2) U grace periodu vlasnik obveznice ima pravo na kamatu obračunatu na ukupan iznos glavnice.
- (3) Prva isplata kamata bit će 30. juna 2010. godine. Slijedeće kamate isplaćivat će se godišnje prema slijedećem planu:

- 30. juna 2011. godine, 30. juna 2012. godine, 30. juna 2013. godine, 30. juna 2014. godine, 30. juna 2015. godine, 30. juna 2016. godine, 30. juna 2017. godine, 30. juna 2018. godine, 30. juna 2019. godine, 30. juna 2020. godine, 30. juna 2021. godine, 30. juna 2022. godine, 30. juna 2023. godine.

(4) Po isteku grace perioda vlasnik obveznice ima pravo na dio glavnice i pripadajući dio kamate obračunat na prostali dio glavnice.

IV.

Glavnica obveznica isplaćivat će se po isteku grace perioda, jedanput godišnje, s tim da će se iznositi do, uključujući i 500 KM, izmiriti u prvoj godini dospijeca glavnice.

V.

(1) Kamata, odnosno glavnica isplaćuje se u roku od 30 dana od dana obračuna kamata, odnosno dospijeca glavnice, prijenosom sredstava na račun vlasnika obveznica.

(2) Isplata prve tranše se vrši u skladu sa slijedećim otplatnim planom:

[Frame10](#)

VI.

Obveznice dospijevaju na naplatu jednom godišnje kako slijedi:

- obveznice Serije A u ukupnom iznosu od 45.747.789 KM dospijevaju 30.06.2019. godine,
- obveznice Serije B u ukupnom iznosu od 39.807.147 KM dospijevaju 30.06.2020. godine,
- obveznice Serije C u ukupnom iznosu od 34.986.086 KM dospijevaju 30.06.2021. godine,
- obveznice Serije D u ukupnom iznosu od 34.986.086 KM dospijevaju 30.06.2022. godine,
- obveznice Serije E u ukupnom iznosu od 35.138.540 KM dospijevaju 30.06.2023. godine.

VII.

U slučaju kašnjenja sa isplatom kamate, odnosno glavnice iz obveznica, Federacija će platiti zakonsku zateznu kamatu od dana dospijeca kamate, odnosno glavnice do dana isplate.

VIII.

Sredstva za izmirenje obaveza po ovoj emisiji obezbjeđuju se iz budžeta Federacije.

IX.

Obveznice predstavljaju direktnu i безусловnu obavezu Federacije, međusobno su ravnopravne i najmanje su u istom rangu sa svim drugim sadašnjim i budućim obavezama za čije izvršenje sredstva osigurava Federacija.

X.

(1) Obveznice se upisuju u Registar vrijednosnih papira u Federaciji Bosne i Hercegovine (u daljnjem tekstu: Registar), prema sporazumu zaključenom između Federacije i Registra.

(2) Pravo vlasništva nad obveznicama i pravo raspolaganja stiče se danom upisa obveznica u Registar.

(3) Federalno ministarstvo finansija/Federalno ministarstvo financija (u daljnjem tekstu: Ministarstvo finansija) u roku od osam dana od dana stupanja na snagu ove Odluke podnosi Registru zahtjev za registraciju (upis) obveznica i spisak potraživanja fizičkih i pravnih lica kojima je priznato pravo na naknadu ratnih potraživanja.

(4) Za tačnost podataka u spisku potraživanja iz stava 3. ove tačke odgovara Ministarstvo finansija.

XI.

Registar će, na osnovu zaprimljene ove Odluke i zahtjeva za registraciju obveznica registrovati emisiju, otvoriti i voditi račune vlasnika obveznica, izvršiti registraciju i čuvati podatke o sticanju vlasništva i pravima iz obveznica, kao i izdavati izvještaje,

izvode i potvrde o stanju i promjenama na računima vlasnika obveznica, u skladu sa propisima koji uređuju tržište vrijednosnih papira i aktima Registra.

XII.

Federacija može, u bilo koje vrijeme, otkupiti obveznice po bilo kojoj cijeni na tržištu ili na drugi način, u skladu sa odlukom Vlade Federacije, pod uslovom da, u slučaju kupovine javnom ponudom, takva ponuda bude jednako dostupna svim vlasnicima obveznica.

XIII.

Prihodi od kamata i kapitalne dobiti po osnovu obveznica neće se oporezivati.

XIV.

Federacija se ne upisuje u registar emitenata kod Komisije za vrijednosne papire Federacije Bosne i Hercegovine.

XV.

- (1) Registar je dužan da obavijesti Sarajevsku berzu d.d. (u daljnjem tekstu: SASE) o registraciji obveznica.
- (2) Na osnovu izvještaja Registra, obveznice emitovane u skladu sa Zakonom uvrštavaju se na službeno berzansko tržište SASE.
- (3) Trgovina obveznicama na sekundarnom tržištu obavlja se u skladu sa propisima kojima se uređuje trgovina vrijednosnim papirima.
- (4) Cijena obveznica uvrštenih u službeno berzansko tržište SASE baziraće se na tzv. čistoj cijeni, tj. neće obuhvatati stečenu kamatu.
- (5) Obračun stečene kamate iz obveznica vrši se prema aktima Registra.

XVI.

Sredstva na ime kamate i glavnice obveznica, u skladu sa rokom definisanim u tački V ove Odluke, isplatit će se na račun vlasnika obveznica, bez odbitka na ime i naknade ili drugih troškova.

XVII.

- (1) Poslove po osnovu emisije obveznica obavlja Ministarstvo finansija.
- (2) Vlada Federacije, na prijedlog Ministarstva finansija, može odrediti agenta za pružanje usluga po osnovu emisije obveznica.

XVIII.

Za realizaciju ove Odluke zadužuje se Ministarstvo finansija.

XIX.

Ova Odluka stupa na snagu narednog dana od dana objave u "Službenim novinama Federacije BiH".

V broj 490/09
8. jula 2009. godine
Sarajevo

Premijer
Mustafa Mujezinović, s. r.